



Vogošća, ul. Jošanička, br. 80; tel: 00387 33 586 413, fax: 586 418

Broj: 07-14-1624/17
Vogošća, 18.10.2017. godine

Na osnovu člana 69. stav 2. tačka tačka d), člana 70. Zakona o javnim nabavkama BiH ("Službeni glasnik BiH" broj: 39/14), i člana 71. i 125. Statuta Općine Vogošća ("Službene novine Kantona Sarajevo", broj 27/14-Prečišćeni tekst i 14/15), Općinski načelnik dana 18.10.2017. godine donio je

**ODLUKU
O PONIŠTENJU POSTUPKA JAVNE NABAVKE ZA IZVOĐENJE GRAĐEVINSKIH I
MAŠINSKIH RADOVA NA NASTAVKU IZGRADNJE DISTRIBUTIVNE GASNE MREŽE NA
PODRUČJU MZ-A BLAGOVAC (UL. BLAGOVAC IV) I VOGOŠĆA I (UL. D.JOŠANICA II) NA
PODRUČJU OPĆINE VOGOŠĆA**

Član 1.

Poništava se postupak javne nabavke radova, po Konkurentskom zahtjevu za dostavu ponuda za izvođenje građevinskih i mašinskih radova na nastavku izgradnje distributivne gasne mreže na području MZ-a Blagovac (Ul. Blagovac IV) i Vogošća I (Ul. D.Jošanica II) na području općine Vogošća broj: 07-14-1624/17, jer nijedna od primljenih ponuda nije prihvatljiva.

Član 2.

Ova Odluka stupa na snagu danom donošenja, a objaviće se na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

OBRAZLOŽENJE

Općinski načelnik je dana 18.09.2017. godine donio Odluku o pokretanju postupka Konkurentskog zahtjeva za dostavu ponuda za izvođenje građevinskih i mašinskih radova na nastavku izgradnje distributivne gasne mreže na području MZ-a Blagovac (Ul. Blagovac IV) i Vogošća I (Ul. D.Jošanica II) na području općine Vogošća, zajedno sa objavljivanjem obavještenja o nabavci i tenderske dokumentacije na Portalu javnih nabavki BiH dana 25.09.2017. godine pod brojem: 1353-7-3-92-3-53/17. Tendersku dokumentaciju sa portala javnih nabavki BiH je preuzelo 6 (šest) ponuđača. Krajnji rok za prijem ponuda je bio 05.10.2017. godine do 14:00 sati.

Na prvoj sjednici Komisije za javne nabavke prilikom otvaranja ponuda dana 05.10.2017. godine, Komisija je konstatovala da su zaprimljene dvije ponude i to:

- Ponuda ponuđača "HIK-NET" d.o.o. Sarajevo, broj int. knjige 199, sa ponuđenom ukupnom cijenom od 79.416,82 KM bez PDV-a;
- Ponuda ponuđača "EPLAN" d.o.o. Sarajevo, broj int. knjige 200, sa ponuđenom ukupnom cijenom od 79.990,83 KM bez PDV-a.

Komisija je zatim pristupila analizi dokumentacije priložene uz ponude, u smislu provjere njene validnosti, s obzirom na iskazane zahtjeve Ugovornog organa u Tenderskoj dokumentaciji broj: 07-40-1624/17 iz septembra 2017. godine, odnosno pregledu ponuda u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Uvidom u priloženu dokumentaciju i suštinskom provjerom sadržaja i validnosti dokumentacije, Komisija je utvrdila sljedeće:

Ponuda ponuđača "HIK-NET" d.o.o. Sarajevo, ne ispunjava formalno-pravne uslove tražene Tenderskom dokumentacijom i to:

- Aktuelni izvod iz sudskog registra dostavljen uz ponudu nije ovjeren od strane nadležnog organa na ispravan način. Ovjerena je samo zadnja strana Izvoda, a obzirom da se izvod sastoji od 8 (osam) stranica bilo je potrebno ovjeriti svaku stranicu Izvoda pojedinačno-između stranica;
- Tačkom 7.3.1. TD traženo je da se uz ponudu dostavi: a) Izjava na obrascu ponuđača o ostvarenom prometu izvođenja radova, koji su u vezi sa predmetnom nabavkom u posljednje 3 (tri) finansijske godine ili od datuma registracije, odnosno početka poslovanja u predmetnom segmentu, ako je ponuđač registrovan, odnosno počeo sa radom prije manje od tri godine.

Iz sadržaja Izjave koju je Ponuđač "HIK-NET" d.o.o. Sarajevo dostavio u svojoj ponudi na strani 20., upošte nije moguće vidjeti koliki je promet Ponuđač ostvario u posljednje 3 finansijske godine iz razloga što iznos u Izjavi upošte nije ni prikazan.

Ponuda ponuđača "EPLAN" d.o.o. Sarajevo, ne ispunjava formalno-pravne uslove tražene Tenderskom dokumentacijom i to:

- Tačkom 7.4.2. pod b) TD traženo je da se dostavi:
 - kopija diplome za 1 (jednog) KV vozača-upravljača (rukovaoca) strojevima.Ponuđač u svojoj ponudi nije dostavio traženi dokaz. Na strani 72. ponude dostavljena je izjava da je NK radnik Memić Nermin samoobučen za upravljanje strojevima, što Komisija ocjenjuje kao nedovoljno da bi se ispunio traženi uslov postavljen Tačkom 7.4.2. pod b) TD.

Shodno iznesenom, Komisija za javne nabavke je jednoglasno dala preporuku Općinskom načelniku da donese Odluku o poništenju postupka nabavke za izvođenje građevinskih i mašinskih radova na nastavku izgradnje distributivne gasne mreže na području MZ-a Blagovac (Ul. Blagovac IV) i Vogošća I (Ul. D.Jošanica II) na području općine Vogošća, iz razloga jer nijedna od primljenih ponuda nije prihvatljiva, a u skladu sa članu 69. stav 2. tačka d) Zakona o javnim nabavkama BiH ("Službeni glasnik BiH" broj: 39/14)


Pouka o pravnom lijeku: Ponuđač koji je učestvovao u postupku nadmetanja može radi zaštite svojih prava, u roku od pet dana od prijema Odluke o poništenju postupka javne nabavke izjaviti žalbu. Žalba se podnosi Uredu za razmatranje žalbi BiH putem Ugovornog organa.

Dostavljeno:

1. "HIK-NET" d.o.o. Sarajevo
2. "EPLAN" d.o.o. Sarajevo
3. Nadležnoj Službi
4. U dosije
5. a/a

033/436-860

033/771-832



OPĆINSKI NAČELNIK

EDIN SMAJIC